

21596

極力反對。擬自集巨款以募國債。而聯名署印者。只二百人。其實國民之富力。亦不足以勝此重負也。數年前。波人曾以本國股東。創設國民銀行。終不能就。而已交股者。今日追取股本。尙自無著。波人財力之厚薄。辦事之信僞。已可想見矣。而國民黨又多方以圖內債之成立。甚且出於脅迫。謂凡爲波人。皆應以家資之半。獻諸國家。而商人中相率以其金錢滙之君子。但丁埃及等處。又率其家遷居亞力山德或孟加拉。蓋豈獨內債無成。又恐因以生他變耳。爾時德意志以外交之敏妙手段。乘英俄之不備。無端市恩於波政府。暫借以款。而攫得烏爾米華河之航路權。波人之感激可知也。而無解於其內治財政根本上之困難。近聞一月以前。英俄兩國。合致通牒於波外部。請其將陸軍部裁撤。並解散陸軍隊。以免虛糜。其波斯境內保衛治安之責。則以南北中分。由英俄分擔其責。監督財政。則兩國各派一員。會同商辦。波廷雖不滿意。然亦俯首而無可如何。嗚呼。波斯其爲埃及之續券。然何其與我中國適相類也。革命後之建設也與我同。軍隊之擾攘不靖也與我同。商民之拒債而自募也與我同。招股而創興實業也亦與我同。其失敗也亦無不同。二國之壟斷。猶夫四國之壟斷也。第三國人之委任監督。猶夫荷蘭墨西哥人之紛紛也。而監督之初步。類無不曰顧問。其已事可知矣。政府而欲承受此顧問焉。以波斯爲前例可也。更進而求第三先進國。莫如朝鮮矣。吾今不暇述朝鮮滅亡之歷史。而但用抽象的觀察。述明治三十七年八月十二日使林權

助謁見韓皇所提出之內政改革案。及關於此案之約。其中有財政監督、外交顧問、學政參與、警察顧問、諸名詞。吾述此約。所以證吾言顧問即監督。監督即顧問。幸勿驚其名而忘其實。以自辟顧問。爲自欺欺人之術也。又聞銀行團有委任稅關監督之議。即舉裴總稅司。以資熟手。後日收回自管。困難抑可知矣。且以區區禁煙而亦須顧問焉。吾恐教育海陸軍農林銀行鐵道郵電諸顧問。且紛紛而起也。不至於埃及不止矣。

### 英兵入藏論上 錄民立報

就中國各行省而論。若閩若粵。都二十餘省。其中以孰爲大。曰以四川爲大。就中國各名山而論。若天台。若雁宕。殆不可以僕指數。其中以孰爲大。曰以喜馬拉雅山爲大。夫以峨峨高原。橫互於喜馬拉雅山麓。而即以喜馬拉雅山脈。與英屬印度之喀蒙。及英屬阿密薩侯國爲界者。非所謂西藏乎。西藏爲世界第一之高原。深山四圍。壅塞靡隙。界絕不鄰。而其間東部。有由大金沙江之谷道。出巴塘裏塘。逶迤蜿蜒。以漸通入中國內地腹部者。非所謂四川乎。然則喜馬拉雅一山。爲西藏之屏蔽。西藏一地。又爲四川之屏蔽。此固輿地學家所共認。抑亦謀國家論軍事者所稔知也。由此言之。無西藏則無四川。無四川則無雲南貴州陝西甘肅諸省。蟻穴之細。可以潰全隄。鴟室之毀。必先由戶牖。茫茫前途。岌岌後慮。其關係如此之重。而不謂英人者。乃竟乘我之隙。藉口於藏番作亂。復發兵深入。

以求逞其野心也。

據最近消息。英人確已派遣軍隊數千。於日前直抵拉薩府。因藏中軍隊變亂。有殘害旅人之舉。因以保護僑民爲名。實行干涉。又昨某報專電。亦載有藏事危急。川滇皆有急電到京云云。由是以觀。吾恐吾國邊疆。將從此多事。蓋英人數十年來。未嘗一日忘西藏。願昔日尙以和平手段出之。至於今日。乃乘我國疆長莫及之秋。以爲先發制人之舉。一變其和平侵略之態度。而爲武力侵略之態度。彼其用心。固欲由喜馬拉雅山鯨吞四川全省。舉東西諸地。悉歸彼勢力範圍之內也。更欲由四川一省。曲屈以達長江上游。入長江下游。舉揚子流域諸界線。筆所未到而氣已吞。鞭之所指而無弗破。以成一高屋建瓴之勢也。更將由川入滇。出其偏師。以搗雲南之背。而攻貴州之腋也。夫如是則吾國東南西南諸境之土產之商務之航業。皆將歸英人掌握。遂其平日之野心。而要必先以西藏一隅爲之根據地。爲之媒介物。斯其關係顧不重哉。

吾嘗以中西之歷史考之。西藏交通之路。厥有六道。而皆於古今兵事上。有非常之關係。其一。自拉薩東北行。經拉里。出三大偏關。入喀木。東迤北至察木多。東南經江卡。入雲南邊。東北渡金沙江。入四川。至巴塘。又東經裏塘至打箭爐。是爲駐藏大臣往來之驛路。亦即唐吐蕃入寇茂雋諸州之孔道。其二。自拉薩北行。渡哈刺烏蘇。踰唐古刺嶺。東北行涉木魯烏蘇。又東踰巴顏哈刺山。出黃河二源間。東北行至青海東南之蓋牙

拉山。踰山入甘肅達西寧府。是乃今日藏蕃入貢之路。亦即唐世吐蕃入寇甘涼之路。其三。自拉薩西行入奴藏。西入阿里部。經岡底斯山南。又西北至加託克。分二道。一西行循薩特里日河入北印度。是即古世馬基頓王亞歷山大自波斯欲取此道東征之路。亦即吐蕃唐使王元策擊破中天竺之路。一北東行踰葱嶺之破米羅。而至和闐州。是即近年俄人探險兵隊入藏之路。亦即唐世吐蕃陷疏勒之路。其五。自札什倫布西南行。踰喜馬拉雅山。入泥婆羅。是即清乾隆朝尼泊爾侵略藏之路。其六。自札什倫布東南行。至江孜。折而南行。經章木錯踰卓木拉里山。至春丕。經亞東關。南踰山。經不丹部。以通英領加爾各答。是乃英藏陸路之條約商埠。亦即前清光緒三十年英人入藏之路。以上種種。英人此次進兵。或分路入。或合兵入。均未可知。而要之徵諸昔日之掌故。驗諸今日之形勢。我四川。我揚子江流域。我滇黔諸省。必將大受影響。是固可以斷言者。嗟嗟。衛乃危之聲轉。痛今日三危之族。乃真迫於危。藏爲羌之音訛。胡今日諸羌之氓。乃羌無附屬。我心及此。我涕如塵矣。

吾以上所云云。不過約略言之耳。至於西藏與中國本部歷史上之種種關係。以及前此亡清對於藏事之種種失敗。後此中華民

國補救之種種方法。容於下篇詳言之。聞唐總理擬分此事爲兩面辦法。一面委任溫宗堯爲西藏都督。令田振邦熊克武統兵入藏。懾之以威。一面由中央政府與英使談判。折之以理。其或者可以爲桑榆之補乎。